



## **Publicaziun en il fegl uffizial dal chantun dals 15 da november 2018**

### **Exposiziun publica dal project da vias**

#### **H3a via dal Gügliä**

#### **Mulegns en il vitg, correcziun da la via km 47,70 fin km 47,78**

#### **Project d'exposiziun nr. 3a.4983 da l'october 2018**

##### **1. Lieu e durada da l'exposiziun**

Las actas dal project èn exponidas dals 19 da november fin ils 18 da december 2018 tar l'administraziun communal da la vischnanca da Surses, Veia Cantunala 87, 7453 Tinizong, per prender invista (art. 20 da la lescha chantunala davart las vias, LVias; DG 807.100). Durant il temp d'exposiziun pon ils documents er vegnir consultads e chargiads giu sut [www.tiefbauamt.gr.ch](http://www.tiefbauamt.gr.ch) > Rumantsch > Actualitads. La nova axa da la via (mellen) ed ils novs urs dal vial (alv) èn stajads respectivamain marcads en la cuntrada uschenavant che las cundiziuns da l'aura permettàn quai.

##### **2. Dumondas per permissiuns spezialas**

Las suandantas dumondas èn parts dal project d'exposiziun:

- dumonda da permissiun per far intervenziuns en objects protegids dal chantun tenor l'art. 29 da la lescha chantunala davart la protecziun da la natira e da la patria;
- dumonda da permissiun per inducir aua persa betg smerdada en in'aua da surfatscha tenor l'art. 7 al. 2 da la lescha federala davart la protecziun da las auas;
- dumonda da permissiun per projects da construcziun en secturs spezialmain periclitads tenor l'art. 19 al. 2 da la lescha federala davart la protecziun da las auas;
- dumonda da permissiun per cuvrir u per metter en bishens auas currentas tenor l'art. 38 al. 2 da la lescha federala davart la protecziun da las auas;
- dumonda da permissiun tenor la legislaziun da pestga per far intervenziuns tecnicas en las auas tenor l'art. 8 al. 1 da la lescha federala davart la pestga;
- dumonda da permissiun per la correcziun dals curs d'aua tenor l'art. 22 al. 1 da la lescha chantunala davart la correcziun dals curs d'aua;
- dumonda da reducir la sveltezza maximala generala tenor l'art. 3 al. 4 da la lescha federala davart il traffic sin via;
- dumonda da permissiun per facilitaziuns per stabiliments existents tenor l'art. 17 da la lescha federala davart la protecziun da l'ambient

##### **3. Restricziun dal dretg da disponer**

A partir dal di che l'exposiziun è vegnida publicada uffizialmain dovran ils projects da construcziun entaifer il territori ch'è cumpiglià dal project ina permissiun dal departament da construcziun, traffic e selvicultura dal Grischun. Quella vegn concedida, sch'il project da

construcziun n'ha naginas consequenzas engrevgiantas per acquistar il terren u per realisar il project.

#### **4. Protestas**

##### **4.1 Legitimaziun**

Tgi ch'è pertutgà dal project d'exposiziun e po far valair in interess degn da vegnir protegi per abolir u per midar quel, ha il dretg da far protesta. Il dretg da far protesta han plinavant las vischnancas pertutgadas e tgi ch'è autorisà tras il dretg federal da far quai.

##### **4.2 Objecziuns**

I pon vegnir fatgas valair:

- a) resalvas cunter il project d'exposiziun e cunter las dumondas per ulteriuras permissiuns ch'èn colliadas cun quel sco er cunter in'expropriaziun previsa e cunter sia dimensiun;
- b) dumondas d'indemnisaziun, en spezial pretensiuns per ils dretgs che vegnan fatgs valair ed autras pretensiuns che resultan dal dretg chantunal d'expropriaziun. La rectificaziun da questas dumondas ha lieu suenter l'approvaziun dal project en la procedura per l'acquist da terren.

##### **4.3 Termin ed adressat**

Protestas ston vegnir inoltradas entaifer il temp d'exposiziun cun ina curta motivaziun al departament da construcziun, traffic e selvicultura dal Grischun, Stadtgartenweg 11, 7000 Cuira.

Sche pretensiuns d'indemnisaziun vegnan fatgas valair posteriuramain, ston vegnir observadas las consequenzas da la negligentscha tenor l'art. 17 da l'ordinaziun chantunala d'expropriaziun (OExp; DG 803.110).

Departament da construcziun, traffic  
e selvicultura dal Grischun

Il schef:

Dr. Mario Cavigelli, president da la regenza

#### **Ausstellung Studienaufträge**

L'exposiziun publica da las incumbensas da studi ha lieu da mardi, ils 20 da november 2018, fin venderdi, ils 23 da november 2018, mintgamai da las 14.00 fin las 18.00 sin il plaunterren e sin l'emprim plaun da la Chasa cotschna, Veia Gelgia 30, Mulegns.

Cuira, ils 8 da november 2018